



CONCELLO DE VIGO  
Secretaría de Goberno Local

**D<sup>a</sup>. PATRICIA RODRÍGUEZ CALVIÑO, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO**

**C E R T I F I C O:** Que a Xunta de Goberno Local, na **sesión ORDINARIA do 28 de XUÑO de 2024**, adoptou o seguinte acordo:

**11.- PRÓRROGA DO CONVENIO DE COLABORACIÓN CO CONSORCIO GALEGO DE SERVIZOS DE IGUALDADE E BENESTAR PARA O DESENVOLVEMENTO DA XESTIÓN DO CENTRO DE EMERXENCIA PARA MULLERES EN SITUACIÓN DE VIOLENCIA DE XÉNERO. EXPTE. 9423/224.**

Visto o informe xurídico de data 29/05/2024 e o informe de fiscalización do 24/06/2024, sométese a aprobación o informe-proposta de data 31/05/2024, asinado pola xefa de Igualdade e conformado pola concelleira-delegada, a concelleira da Área de Goberno e polo concelleiro da Área de Goberno de Orzamentos e Facenda, que di o seguinte:

Con data 2 de outubro de 2019, o Concello de Vigo e o Consorcio Galego de Servizos de Igualdade e Benestar asinaron o Convenio de colaboración para o desenvolvemento da xestión do Centro de Emerxencia para mulleres en situación de violencia de xénero (CEMVI) (Acordo da Xunta de Goberno Local de data 26.09.2019).

O convenio ten por obxecto regular a xestión e o mantemento do CEMVI establecendo o marco da colaboración entre o Consorcio e o Concello de Vigo e definindo as achegas de cada unha das partes e as obrigas e compromisos que adquiren, de acordo sempre cos principios de atención de emerxencia, especializada e multidisciplinar.

O CEMVI, integrado na Rede Galega de Acollemento, ten como finalidade proporcionar aloxamento inmediato e de curta estancia ás mulleres, e á súa prole, que se atopen inmersas nunha situación de malos tratos e garantirlles un acollemento de emerxencia mentres se valora a súa situación, se inicia o tratamento e/ou se efectúa unha derivación a outro dispositivo máis axeitado.

O Centro garante unha atención continuada ás usuarias todos os días do ano, incluídos sábados, domingos e festivos.

Mediante a sinatura do dito convenio, o Consorcio Galego comprometeuse a asumir a xestión integral do Centro facéndose cargo de todos os gastos derivados do seu funcionamento e equipamento. O Consorcio Galego debe xestionar o Centro de Emerxencia de acordo coa normativa aplicable en materia de centros de servizos sociais e de acollida para mulleres vítimas de malos tratos e coa súa propia normativa interna, correspondéndolle, entre outras, as seguintes atribucións e cometidos:



Copia do documento - Concello de Vigo	Data impresión: 16/01/2026 14:57	Páxina 1 de 7
9423-224	CSV: A3ACD5-DE2E24-24A8E3-C7AX4X-9W8EA4-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

- a) Garantir a acollida no CEMVI das mulleres vítimas de violencia de xénero e das persoas delas dependentes derivadas polo Concello de Vigo.
- b) Selección, contratación e dirección do persoal.
- c) Garantir o cumprimento do regulamento e normas de réxime interno e demais normativa vixente.
- d) Elaboración do proxecto de intervención das mulleres aloxadas no dispositivo.
- e) Con carácter xeral, todas aquelas xestións que se deriven da cesión do uso do Centro.

O Concello de Vigo asumiu a obriga de ceder ao Consorcio Galego o uso do inmovible e do equipamento e mobiliario existente, así como o compromiso de contribuír ao financiamento dos gastos derivados do funcionamento e mantemento do CEMVI cunha achega anual de 241.000 €, segundo o estipulado na cláusula oitava do convenio.

Na cláusula décimo cuarta do convenio aprobado, e de conformidade co establecido no artigo 49.h) da Lei 40/2015, do 1 de outubro, de réxime xurídico do sector público (LRXSP), establécese a duración deste convenio en catro anos comezando a súa vixencia dende a súa sinatura polas partes. Así mesmo, a dita cláusula dispón que o convenio poderá prorrogarse por catro anos máis, sen que a súa duración total poida superar o prazo máximo de oito anos. Cada unha das prórrogas será por un período dun ano de duración e precisará do acordo previo das partes e a aprobación da Xunta de Goberno Local antes da finalización da vixencia do convenio.

En base ao anterior, e dado que os catro anos do período de vixencia do convenio asinado polas partes finalizaron o 1 de outubro de 2023 e que a primeira prórroga do convenio aprobada pola Xunta de Goberno Local na súa sesión ordinaria do 8 de xuño de 2023 finaliza o 1 de outubro de 2024, en data 16.05.2023 solicitouse ao Consorcio Galego que comunicase ao Concello de Vigo a súa conformidade ou desconformidade coa continuidade do convenio, que se materializaría a través da aprobación pola Xunta de Goberno Local dunha segunda prórroga do convenio, dun ano de duración, que se estendería desde o día 2 de outubro de 2024 ata o 1 de outubro de 2025 (incluídos).

Mediante escrito con data de entrada no Rexistro Xeral do Concello do 21/05/2024 e número de documento 240156195 (anexado a este expediente), a Xerencia do Consorcio Galego de Servizos de Igualdade e Benestar comunicou a súa conformidade coa continuidade do convenio.

A teor do exposto, este Servizo xestor valora procedente tramitar e propoñer a aprobación da segunda prórroga do convenio, que comprenderá o período dende o 2 de outubro de 2024 ata o 1 de outubro de 2025 (ambos incluídos).

Para poder facer fronte aos pagos do convenio durante o período de vixencia da segunda prórroga é necesario comprometer o importe total de 241.000 €. O devandito gasto farase efectivo con cargo á aplicación orzamentaria “*Convenio Cons. Galego Igual. B.S Centro Emerxencia*” 2311 4539000 do orzamento vixente do Servizo de Igualdade e do futuro exercicio 2025, condicionado



Copia do documento - Concello de Vigo	Data impresión: 16/01/2026 14:57	Páxina 2 de 7
9423-224	CSV: A3ACD5-DE2E24-24A8E3-C7AX4X-9W8EA4-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



CONCELLO DE VIGO  
Secretaría de Goberno Local

á existencia de crédito adecuado e suficiente no orzamento do Servizo de Igualdade, desglosado do seguinte xeito: 60.086,02 € (RC núm. 202400007807) para o presente exercicio económico e 180.913,98 € para o futuro exercicio 2025.

## NORMATIVA DE APLICACIÓN

### Competencias da Administración local:

- Lei 7/1985, do 2 de abril, reguladora das bases do réxime local, que, no seu artigo 25.2.o), na redacción dada polo Real Decreto-lei 9/2018, do 3 de agosto, atribúe aos municipios competencia na materia de “*actuacións na promoción da igualdade entre homes e mulleres así como contra a violencia de xénero*”.
- Lei 40/2015, do 1 de outubro, de réxime xurídico do sector público, que regula no capítulo VI do Título Preliminar os convenios das Administracións Públicas.
- Lei 5/2014, do 27 de maio, de medidas urxentes derivadas da entrada en vigor da lei 27/2013, do 27 de decembro, de racionalización e sostibilidade da Administración local.

### Dereitos das vítimas e normativa de igualdade e violencia de xénero:

#### Nivel internacional:

- Convenio do Consello de Europa sobre prevención e loita contra a violencia contra as mulleres e a violencia doméstica, asinado en 2011 (Convenio de Estambul), vinculante para España desde 2014, que estipula a obriga das partes de establecer medidas e servizos de apoio especializados inmediatos a curto e a longo prazo, entre eles: o asesoramento psicolóxico, o asesoramento xurídico, a asistencia financeira, os servizos de aloxamento, a educación, a formación e a asistencia para a busca de emprego (artigo 20).

#### Nivel estatal:

- Lei orgánica 3/2007, do 22 de marzo, para a igualdade efectiva de mulleres e homes, que impón aos poderes públicos que establezan medidas explícitas e accións positivas para acadar a igualdade real e efectiva entre mulleres e homes. No seu artigo 21.2, estipula que as Entidades Locais integrarán o dereito de igualdade no exercicio das súas competencias e colaborarán, a tal efecto, co resto das Administracións públicas.
- Lei orgánica 1/2004, do 28 de decembro, de medidas de protección integral contra a violencia de xénero, cuxo artigo 1 inclúe dentro do seu obxecto a prestación de asistencia ás mulleres, aos seus fillos e fillas menores e aos e ás menores suxeitos á súa tutela ou



Copia do documento - Concello de Vigo	Data impresión: 16/01/2026 14:57	Páxina 3 de 7
9423-224	CSV: A3ACD5-DE2E24-24A8E3-C7AX4X-9W8EA4-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

garda e custodia, vítimas desta violencia, e dispón que a violencia de xénero a que se refire esta Lei comprende tamén a violencia que, co obxectivo de causar prexuízo ou dano ás mulleres, se exerza sobre os/as seus/súas familiares ou achegados/as menores de idade. O artigo 19, ademais, establece o dereito á asistencia social integral para as vítimas, incluídos os servizos de acollemento, e a competencia para a súa organización por parte das Corporacións Locais.

- Lei orgánica 8/2021, do 4 de xuño, de protección integral á infancia e á adolescencia fronte á violencia, que, no seu artigo 29, establece a obriga das administracións públicas de prestar especial atención á protección do interese superior dos nenos, nenas e adolescentes que conviven en entornos familiares marcados pola violencia de xénero, garantindo a detección destes casos e a súa resposta específica, que garanta a plena protección dos seus dereitos, e estipula que as administracións públicas garantirán o apoio necesario para que as nenas, os nenos e adolescentes, de cara á súa protección, atención especializada e recuperación, permanezan coa muller, salvo se isto é contrario ao seu interese superior.
- Lei orgánica 10/2022, de 6 de setembro, de garantía integral da liberdade sexual, que modifica determinados artigos da Lei orgánica 1/2004 co obxectivo de dar cumprimento ao Pacto de Estado contra a violencia de xénero. O seu artigo 33 establece o dereito á asistencia social integral especializada e accesible para as mulleres, nenas e nenos vítimas de violencia sexual.
- Pacto de Estado contra a violencia de xénero aprobado polo Congreso das Deputadas e Deputados o 28 de setembro de 2017, que fai fincapé na necesidade de atención das vítimas da violencia de xénero no seu *Eixo 2. Mellora da resposta institucional: coordinación. Traballo en rede*; en especial, a medida 75: *Elaborar propostas para mellorar o apoio social, educativo, formación e inserción laboral, e tamén sobre a necesidade de articular axudas, incluso económicas por carecer de recursos, ou a prioridade para acceder a casas de acollida ou pisos tutelados, vivendas públicas ou residencias de maiores.*
- Catálogo de Medidas Urxentes do Plan de Mellora e Modernización contra a violencia de xénero, aprobado mediante Acordo do Consello de Ministros/as do 27 de xullo de 2021 (Acordo publicado pola Resolución do 28 de xullo de 2021 da Subsecretaría), que establece dentro dos seus obxectivos o de fortalecer o acceso próximo ás medidas de autonomía económica e o acceso á vivenda das vítimas e de seus fillos e fillas, con independencia da denuncia.
- Resolución de 9 de xuño de 2015 da Secretaría de Estado de Servizos Sociais e Igualdade, pola que se publica o Acordo da Conferencia Sectorial de Igualdade do 21 de xullo de 2014, polo que se aproba o protocolo de derivación entre centros de acollida para as mulleres vítimas de violencia de xénero e os seus fillos e fillas.



Copia do documento - Concello de Vigo	Data impresión: 16/01/2026 14:57	Páxina 4 de 7
9423-224	CSV: A3ACD5-DE2E24-24A8E3-C7AX4X-9W8EA4-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



CONCELLO DE VIGO  
Secretaría de Goberno Local

**Nivel autonómico:**

- Lei 11/2007, de 27 de xullo, galega para a prevención e o tratamento integral da violencia de xénero, que establece medidas para a sensibilización, prevención e tratamento da violencia de xénero, así como a protección e apoio ás mulleres que a sofren, así como ás súas fillas e fillos e persoas dependentes dela. O artigo 1 desta Lei inclúe a violencia vicaria dentro do concepto de violencia de xénero e o seu artigo 3 considera como formas de violencia de xénero a violencia física, psicolóxica, económica, sexual e abusos sexuais, acoso sexual, trata de mulleres e nenas con fins de explotación sexual, a violencia vicaria, e a violencia de xénero dixital ou violencia en liña contra a muller, a explotación sexual, e calquera outra maneira de violencia recollida nos tratados internacionais que lesionen ou sexa susceptibles de lesionar a dignidade, a integridade ou liberdade das mulleres. No seu artigo 48 relativo á Rede galega de Acollda define os centros de acollda como recursos especializados residenciais e temporais que ofrecen acollda, atención e recuperación ás mulleres que sofren violencia de xénero e ás e aos menores ao seu cargo, e que garantirán un tratamento integral de atención e/ou recuperación, que abrangue aspectos psicolóxicos, educativos, sociolaborais e xurídicos e favoreza a normalización da situación persoal das mulleres, da súa unidade familiar e a superación dos efectos da violencia. Ademais, a Lei establece que os servizos do sistema de protección e asistencia integral serán de titularidade pública, municipal o autonómica, correspondéndolle a súa coordinación e supervisión á Administración da Xunta de Galicia.
- VIII Plan Estratéxico de Galicia para a igualdade de oportunidades entre mulleres e homes 2022-2027, que inclúe dentro da prioridade de actuación 8.3 *Asegurar a atención integral ás vítimas de violencia de xénero* a liña de acción 8.3.2 Mellora dos recursos de asistencia integral ás mulleres vítimas de violencia de xénero e ás persoas ao seu cargo e garantía do seu acceso en contextos de emerxencia social (servizos de emerxencia, acollemento residencial, asistencia psicolóxica e xurídica, programas de inclusión sociolaboral, etc.) e a liña de actuación 8.3.7 Promoción de accións de colaboración con administracións, institucións e organizacións da sociedade civil para a mellora da coordinación e a atención ás vítimas de violencia de xénero.
- Lei 7/2023, do 30 de novembro, para a igualdade efectiva de mulleres e homes de Galicia, que establece que a Administración xeral da Comunidade Autónoma de Galicia, a través da Consellería con competencias en materia de igualdade, fomentará a coordinación e colaboración coas entidades locais en materia de sensibilización, prevención e atención integral en materia de violencia de xénero (art. 139.3.d).

**Acreditación de centros:**

- Lei 13/2008, do 3 de decembro, de servizos sociais de Galicia, que, nos artigos 12 e 13, establece que os servizos sociais comunitarios específicos desenvolverán programas e xestionarán centros orientados a colectivos con problemáticas identificadas e singulares,



Copia do documento - Concello de Vigo	Data impresión: 16/01/2026 14:57	Páxina 5 de 7
9423-224	CSV: A3ACD5-DE2E24-24A8E3-C7AX4X-9W8EA4-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

procurando a súa normalización e reincorporación social ou como espazo de tránsito a un servizo especializado, e que terán como función, entre outras, a atención directa a colectivos con déficits de autonomía o en risco de exclusión que se desenvolva a través de programas en medio aberto, en centros de carácter no residencial ou de carácter residencial temporal. Así mesmo, a Lei atribúe aos concellos a competencia para a creación, xestión e mantemento dos servizos comunitarios específicos (artigo 60).

- Orde do 1 de abril de 1997 pola que se regulan os requisitos específicos que deberán reunir os centros de acollida para mulleres vítimas de malos tratos, que define os centros de acollida para mulleres vítimas de malos tratos como aqueles establecementos destinados a acoller durante un período determinado de tempo ás mulleres e, se é o caso, acompañadas das súas fillas e fillos menores ou incapacitados, que se encontren inmersas nunha problemática grave de malos tratos domésticos, inferidos polo cónxuxe ou persoa coa que manteña análoga relación de afectividade. A existencia de centros de acollida para mulleres vítimas de malos tratos ten como obxectivo, por unha banda, denunciar publicamente a violencia de que é obxecto en numerosos casos a muller dentro do seo do fogar familiar, concibindo a dita problemática como unha grave lacra social, e por outra dun modo prioritario, atendelas necesidades individuais das afectadas e as súas fillas e fillos menores ou incapacitados.
- Decreto 254/2011, do 23 de decembro, polo que se regula o réxime de rexistro autorización, acreditación e inspección dos servizos sociais en Galicia, que ten por obxecto a regulación do Rexistro Único de Entidades Prestadoras de Servizos Sociais, e o réxime de autorización, acreditación e inspección de servizos sociais.

#### Normativa municipal:

- IV Plan de Igualdade do Concello de Vigo, aprobado polo Pleno da Corporación Municipal o día 25 de novembro de 2009 e vixente na actualidade por acordo da Xunta de Goberno Local do día 25 de xaneiro de 2013, que contempla entre os seus obxectivos específicos: 4.A. *Garantir e mellorar a atención integral ás mulleres vítimas da violencia de xénero*, e entre as actuacións a poñer en marcha: 4.A.9. *Potenciación e incremento dos recursos específicos de atención e axuda ás mulleres vítimas de violencia*.
- Resolución de Alcaldía de data 30 de xuño de 2023 de delegación de competencias específicas do Alcalde na Primeira Tenente Alcalde e Área de Goberno de Patrimonio Histórico, Cultura, Igualdade e Normalización Lingüística (BOPPO núm. 136 de 14 de xullo de 2023), que delega na Primeira Tenente Alcalde e Área de Goberno de Patrimonio Histórico, Cultura, Igualdade e Normalización Lingüística, en materia de igualdade, entre outras, as seguintes atribucións:
  - Xestionar e promover servizos de información, atención e acollemento ás mulleres vítimas de violencia de xénero e fillos e fillas menores ao seu cargo.



Copia do documento - Concello de Vigo	Data impresión: 16/01/2026 14:57	Páxina 6 de 7
9423-224	CSV: A3ACD5-DE2E24-24A8E3-C7AX4X-9W8EA4-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



CONCELLO DE VIGO  
Secretaría de Goberno Local

- Relacións co Consorcio Galego de Servizos de Igualdade e Benestar para o seguimento e coordinación da xestión que ese organismo realiza do Centro de Emerxencia para mulleres vítimas de violencia de xénero de Vigo.
- Cooperar con outras institucións públicas ou privadas que desenvolvan actividades e programas relacionados coas competencias delegadas en materia de igualdade.

Polo devandito, ante a necesidade de continuar coas prestacións ás que se refire o presente expediente, e previos os preceptivos informes xurídico e da Intervención Xeral, propónse á Xunta de Goberno Local que adopte o seguinte acordo:

1º.- Aprobado a segunda prórroga, dun ano de duración, do Convenio de colaboración entre o Consorcio Galego de Servizos de Igualdade e Benestar e o Concello de Vigo para o desenvolvemento da xestión do Centro de Emerxencia para mulleres en situación de violencia de xénero (CEMVI), que abrangue desde o 2 de outubro de 2024 ata o 1 de outubro de 2025 (ambos incluídos).

2º.- Aprobado a autorización do gasto de 241.000 € para facer fronte ao pago da segunda prórroga do convenio. O devandito gasto farase efectivo con cargo á aplicación orzamentaria "Convenio Cons. Galego Igual. B.S Centro Emerxencia" 2311 4539000 do orzamento vixente do Servizo de Igualdade e do futuro exercicio 2025, condicionado á existencia de crédito adecuado e suficiente no orzamento futuro do Servizo de Igualdade, desglosado do seguinte xeito: 60.086,02 € para o vixente exercicio económico e 180.913,98 € para o futuro exercicio 2025.

3º.- Publicar este acordo no Portal de Transparencia e Bo Goberno do Concello de Vigo".

### **ACORDO**

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/lf.

V. e Pr.

O ALCALDE,  
Abel Caballero Álvarez.



Copia do documento - Concello de Vigo	Data impresión: 16/01/2026 14:57	Páxina 7 de 7
9423-224	CSV: A3ACD5-DE2E24-24A8E3-C7AX4X-9W8EA4-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		